

आकाशवाणी

खबरां ---

1 प्रधानमंत्री नरेंद्र मोदी होरें वियेना च आस्ट्रिया दे चांसलर कार्ल नेहम्मर हुंदे नै गल्लबात कीती ते दपक्खी रिश्ते दे बक्ख-बक्ख आयामें उप्पर चर्चा कीती।

2 प्रधानमंत्री नरेंद्र मोदी ते आस्ट्रिया दे चांसलर होरें वियेना च गोलमेज बपार बैठका च भारतीय ते आस्ट्रिया दी बपार सरबन्धी कंपनियें दे सीईओ-एं गी संबोधित कीता।

3 सुप्रीम कोर्ट नै अज्ज आखेआ ऐ जे दंड प्रक्रिया संहिता दी दफा 125 तैळत इक मुस्लम महिला गी अपने घरे आहले थमां गुजारा भत्ता पाने दा हक ऐ।

4 केंद्री सेहत मंत्री जे.पी नड्डा होरें डेंगू दी रोकथाम गितै तैयारियें दा जायजा लैता।

5 आई.टी.बी.पी नै पूर्वी लद्दाख च सिरी गापलकश 108 किलोग्राम वजनी दे 108 सुन्ने दे बिस्कुट जब्त कीते न।

संगठनें च इसले दे समें मताबक ते असरदार तरमीम करने दी जरूरतें पर बल दिता। आस्ट्रिया से चांसलर कार्ल नेहम्मर होरें आखेआ जे भारत दी सफलता भाएं ओह बुनियादी ढांचे, समाज दे डिजिटलीकरण ते तेजिया नै बुनियादी ढांचे दा विकास होवे, प्रभावशाल लब्बदा ऐ। एहदे कोलां पैहले प्रधानमंत्री मोदी हुंदा वियेना च रस्मी सुआगत कीता गेआ। स्हाड़े संवाददाता दी रिपोर्ट मुजब 41 बरें च कुसै भारतीय प्रधानमंत्री दा एह पैहला दौरा ऐ। दौरे दौरान श्री मोदी होर आस्ट्रिया दे राष्ट्रपति Alexander Vander Bellen हुंदे नै मलाटी करंगन। श्री मोदी होर वियेना च भारतीय समुदाय दे सदस्यें कन्नै बी गल्लबात करंगन।

<><><><><><>

PM-Austriya Meet

प्रधानमंत्री नरेंद्र मोदी ते आस्ट्रिया दे चांसलर कार्ल नेहम्मर होरें सांझे तौरा पर वियेना दे हाफबर्ग मैहल च इक गोलमेज बपार बैठका च भारतीय ते आस्ट्रिया दे बपार जगत कन्नै सरबंधित मशहूर सीईओ-एं गी संबोधित कीता। श्री मोदी होरें भारतीय ते आस्ट्रिया दिएं कंपनिएं बशकार सहयोग लेई खासा संभावनाएं उप्पर लो पाई इंदे च बुनिया ढांचा, परतिय इस्तेमाल होने आहली उर्जा, हरित क्षेत्र, नमीं ते उभरदी

टेक्नोलाजी, फिनटेक, स्टार्ट अप्स ते नमियां काड्डां शामिल न। उनें आस्ट्रिया दिएं कंपनिएं गी भारत च निवेश दा बी साददा दिता।



SC-Muslim Women

सुप्रीम कोर्ट नै आखेआ ऐ जे दंड प्रक्रिया संहिता दी दफा-125 तैहत इक मुस्लिम महिला गी अपने घर आले सोयां गुजारा भत्ता पाने दा अधिकार ऐ। न्यायधीश [बी.वी. नागरत्ना ते आगस्टीन जार्ज मसीह हुंदी इक पीठ नै इस मामले च दायर याचिका गी खारिज करी दिता जेदे च इक व्यक्ति नै दफा 125 CRPC तैहत अपनी तलाकशुदा पत्नी गी गुजारा भत्ता देने सरबंधी निर्देश खलाफ याचिका दायर कीती ही। पीठ नै एह बी आदेश दिता जे आवेदन लम्बित राहनेदौरान जेकर महिला गी तलाक दिता जंदा ऐ तां ओह ब्याह अधिकारी संरक्षण सरबंधी 2019 दे अधिनियम दा सहारा लेई सकदी ऐ। पीठ आखेआ ऐ जे 2019 दे अधिनियम तैहत उपा CRPC दी दफा 125 तैहत उपा दे अलावा ऐ। सर्वोच्च अदालतै साफ कीता ऐ जे गुजारा भत्ता मंग्गने दा कनून सब्बनें महिलाएं आस्तै वैद्य होग ना की छड़ा शादीशुदा महिलाएं आस्तै।

मजूद हे। पीलीभीत ते लखीमपुर जिले सब्बनें शा मते प्रभावित जिले न ते शिड़क ते रेल तंत्र इत्थे बुरी चाल्ली प्रभावित होआ ऐ।

<><><><><><>

Nadda-Dengu Review

केंद्री सेहत मंत्री जे.पी नड्डा होंरे मुखें च डेंगू गी रोकने आस्तै तैयारियें दा जायजा लैने गितै मंत्रालय दे वरिष्ठ अफसरें कन्नै इक जायजा बैठक दी अध्यक्षता कीती। नमीं दिल्ली च इक प्रेस कांफ्रेंस गी संबोधित करदे होई श्री नड्डा होंरे आखेआ जे मंत्रालय डेंगू दी रोकथाम ते प्रबंधन लेई योजना तैयार करा'रदा ऐ ते राज्यें कन्नै बी इस उप्पर कम्म चला रदा ऐ। उनें जानकारी दिती जे मंत्रालय 24 घैंटे चलने आहली हेल्पलाइन गी शुरू करोआग ते राज्यें गी बी अगले चऊं-पंजें दिनें च नेय हेल्पलाइन शुरू करने लेई आखेआ। उनें केंद्रीय अस्पतालें दा डेंगू इलाज मुआजले आहले वार्ड, एहदे लेई प्रबंधन गितै तैयार करन ते 24 घैंटे आहली स्वास्थ्य संभाल उपलब्धता ते राज्य गी स्कूलें लेई इस गितै नियम कायदे जारी करने दे बी निर्देश दिते।

<><><><><><>

BIMSTEC-BFAR

बंगाल दी खाड़ी बहु क्षेत्रीय तकनीकी ते आर्थिक सहयोग, पैहल यानि (बिस्टेक) दे विदेश मंत्रियें दा दुआ सम्मेलन कल नमीं दिल्ली च शुरू होग। विदेश मंत्रालय नै दस्सेया ऐ जे विदेश मंत्री डॉक्टर एस. जयशंकर होर इस कार्यक्रम च बिम्सटेक दे विदेश मंत्रियें दी मेजबानी करंगन। मंत्रालय नै दस्सेया ऐ जे एह सम्मेलन बंगाल दी खाड़ी ते तटीय खेतरें च सुरक्षा, संपर्क, बपार ते निवेश दे खेतरें समेत मते सारें सारे खेतरें च सहयोग गी बढ़ावा देने आस्तै इनें सदस्यें गी इक मौका हासल करोआडन। बिक्सटेक विदेश मंत्रियें दा पैहला सम्मेलन पिच्छले बरे जुलाई म्हीनें च थाईलैंड दे बैंकाक च होआ हा। बिक्सटेक बहुआयामी सहयोग आस्तै सत दक्खन ते दक्खन पूर्व एशियाई देशों दा समूह ऐ।

<><><><><><>

Uttarakhand Landslide

उत्तराखंड च चमोली जिले कश बद्रीनाथ राष्ट्रीय जनैली शिड़का उप्पर पाताल गंगा लांग-सी टनल कश बड़ी मती पस्सियां पौने करी ट्रैफिक बंद होई गेदा ऐ। बद्रीनाथ जी दी जातरा उप्पर जा'रदे श्रद्धालुएं गी कुते सुरक्षित थारें पर रूकने गी आखेआ गेआ ऐ।

<><><><><><>

ITBP-Ladakh

आई.टी.बी.पी नै पूर्वी लद्दाख च सिरी गापल कश 108 किलो बजनी सुन्ने दे 108 बिस्किट जब्त कीते न। आई.टी.बी.पी नै इक सोशल मीडिया पोस्ट च आखेआ जे 21मीं बटालियन थमां डिप्टी कमांडेंट दीपक भट्ट हुंदी अगुवाई च टीम नै जिसले लम्मी दूरी तैय करने आहली गश्त करदे होई इसी जब्त कीता। आई.टी.बी.पी नै आखेआ ऐ जे दऊं संदिग्धें गी गिरफ्तार करी लैता ऐ ते होरनें एजेंसिएं कन्नै रलियै जांच कीती जा'रदी ऐ।

<><><><><><>

Ashwani Loco Pilots

रेलवे मंत्री अश्विनी वैष्णव होरें बरोधी धड़ें उप्पर गलत जानकारी फैलाने दा ते लोको पायलटें दे हौसले पस्त करने आस्तै डरामेबाजी करने दा दोष लाया। हाल च गै लोकसभाच बरोधी धड़ें दे नेता राहुल गांधी दस्सेया जा रदा ऐ जे ओह नमीं दिल्ली रेलवे स्टेशन च भारतीय रेलवे दे किश लोको पायलटें कन्नै मिले हे ते कथित तौरा पर आरोप लाया गेआ हा जे ओह मुश्कल दा सामना करा रदे न ते उंदे कौला 16 घेंटे कम्म लैता जा'रदा ऐ। गांधी हुंदा ना लैते बगैर उनें

मंत्री होरें उंदी तरफा दोष उप्पर तरतीब वार तरीके नै नुख्ते उप्पर जानकारी दिती ते आखेआ जे लोको पायलट दी इयूटी समय उप्पर तक्क रक्खी जा रदी ऐ ते उंदे दौरे परेंत गै पूरी बरीकी नै हालात गी सामने रखेआ गेआ ऐ। उनें आखेआ जे उंदे औसत इयूटी दे घैंटें तैय समें दे अंदर गै हुंदे न ते इस बरे दे जून च एह 8 घैंटें थमां बी घट्ट न। श्री वैष्णव होरं आखेआ जे किश खास हालात तैहत गै जातरा दी तैय सीमा गी बदाया जंदा ऐ। मंत्री होरें आखेआ जे 2014 बरे दे पैहले कैब्स बड़ी गै माड़ी हालता च ऐ च ऐ हियां मगरा हुन उंदी हालात च सुधार होआ ऐ, सीआं अरामदायक बी हैन न कोई 7 जहार लोक कैब्स च ए.सी दी सहूलत कन्नै लैस ऐ। उनें आखेआ जे अराम करने आहिलें सुविधा थारां 2014 दे पैहले माड़ी हालता च हे मगरा हुन सब्बै इये नेइयें थारें गी ए.सी दी सुविधा कन्नै लैस करी दिता ऐ। इक बड्डी भर्ती अभियान गी हाल दे बरे च पूरा कीता गेआ ऐ ते कोई 34 जहार चलदे फिरदे अमले दी भर्ती होई ऐ। मंत्री होरें आखेआ जे रेलवे परौआरें गी झूठी खबरें कन्नै हौसले गी घट्ट करने दी कोशिश असफल होई जाग।

<><><><><><>

IMD

भारती मौसम विभाग नै अगले 2 शा 3 दिनें दरान पूर्वोत्तर ते कन्ने लगदे पूर्वी भारत दे हिस्सें च भारी थमां बड़ी भारी बरखा दी पेशगोई कीती ऐ। मौसम विभाग नै आखेआ ऐ जे नेयी स्थिति उप हिमालयायी पच्छिम बंगाल, अरूणाचल प्रदेश ते सिक्किम च कल्लै तोहड़ी जिसले के असम, मेघालय, ओडिशा, नागालैंड, मणिपुर, मिजोरम ते त्रिपुरा च इस म्हीने दी 13 तरीक तगर बनी दी रौहग। नेय गै हालात अगले 4 दिनें दरान गोवा, मध्य महाराष्ट्र, कर्नाटक, गुजरात ते केरल च बी बने दे रौहने दे असार न। तोआईं उत्तर ते मध्य भारत च मध्य प्रदेश, पूर्वी उत्तर प्रदेश, उत्तराखंड, हिमालय प्रदेश, पच्छमी उत्तर प्रदेश, जम्मू हरियाणा ते पंजाब च बी अगले 2 शा 3 दिनें दरान बड़ी भारी बरखा दी पेशगोई कीती गेदी ऐ। स्हाड़े आकाशवाणी दे संवाददाता कन्ने गल्ल करदे होई मौसम विभाग दे वैज्ञानिक सोमा सेन राँय होंरे दस्सेया ऐ जे मौसम च ममूली बदलाव करी औने आहले दिनें च बिहार दे किश हिस्सें उप्पर मती भारी बरखा दी स्थिति घट्ट होई जाग।

<><><><><><><>

India-Frame UAE

भारत फ्रांस संयुक्त अरब अमीरात त्रीपक्खी फोकल प्वाइंट बैठक अज्ज वर्चुअल ढंग्गै नै लग्गी। फरवरी 2023 च इक सांझा रूप रेखा मताबक बैठक च त्री पक्खी सहयोग च प्रगति दे बारे चर्चा कीती गई। सहयोग आहले क्षेत्रें च अर्थ बवस्था, बुनियादी ढांचा, नमियां काड्डां, उर्जा पर्यावरण, संस्कृति, शिक्षा ते लोकें थमां लोकें तक्कर दा आदान-प्रदान मुख्ख तौरा पर शामिल हे।

